


Kyrkjeblad

FOR GLOPPEN PRESTEGJELD
NR. 3 - MAI 1997 - 27. årgang



1984 - Krossen i Mona blir reist (Reed Foto)

Den heilage familien

Tida mellom Jesu fødsel og den første offentlege talen han heldt, som 30-åring, skriv evangelistane lite om. Lukas skriv om Jesus som 12-åring i tempelet, elles tek dei ikkje noko med.

Dei reknar det som sjølsagt: Han vaks opp i ein familie. «Han vart avla ved Den Heilage Ande og fødd av Maria møy». Det er kjøtpåtakkinga (inkarnasjonen) sitt under. Som ein del av dette underet er den sanninga at han vaks opp som andre jødiske gutar på si tid. Han som var med på å skape himmel og jord (Joh. 1), lærte seg til å bli tømrar av far sin, Josef!

Han gikk på alle vis igjennom denne skule for livet som heiter familien. Jesus nyttar i heile si forkynning så treffande biletet. Dei er henta ifrå det «levande livet» i Nasaret, der han budde i oppveksten. «Vi spelte på fløyte for dykk, men de ville ikkje sansa.» (Luk. 7,32). Jesus tok del i songleikane

som barn på torget i Nasaret. Dei leika både bryllaup og gravferd. Han har nok sprunge gråtan heim med oppskrubba kne og søkt trøyst hjå mor si. Han opplevde sorga med dødsfall i familien, og tok del i bryllaupsfestar. På sabbaten gjekk han i synagoga «som han pla gjera», står det. Kor hadde han dette i frå?

«Det han seier dykk, skal de gjera», sa Maria, mor hans, då han gjorde det første underet sitt i bryllaupet i Kana. Maria og Josef hadde lært guten sin om Israelsfolket sine bøner. Davidsalmane nyttar dei til bønetidene morgen, middag og kveld. Og orda skulle ein 12-åring lære utaboks.

«Å gjera din vilje Gud, er mi lyst, eg har di lov i mitt hjarta.» Sal. 40.9.

«Alt det viktigaste eg har lært, lærte eg som barn!» er sitert etter ein stor forfattar. Det er sant for fleire enn han. Familien



er ei skaparordning som Gud har skipa. Familien er noko heilt naturleg!

Eit liv med Gud og Jesus er ikkje eit oppstylda og kunstig liv. Det skal levast midt i alt anna liv. Slik levde Jesus, slik skal du og eg leve, og dermed bere fram eit sterkt vitnemål i ei tid der så mykje går i oppløysing.

Tenk stort om familien din. Den er ei gáve frå Gud!

Helsing

*Per Inge Eide
sokneprest*

Vår nye kyrkje

Vi har snikra og sydd, støypt og smurt, spadd og samla, spikra og stroke, skratta og sunge, spekulert og siktat, sjaua og selt, slite og stabla, strikka og strekt. Vi har stått på, og vi har bygt ei kyrkje. Ei kyrkje open for alt.

Kyrkja minner ikkje om nokon ping-pong hall, men tek seg heller ikkje ut som ein utskytningsrampe for himmellengt. Kyrkja kan bi for kvardagsleg og platt eller for svermerisk og mystisk. I den nye kyrkja vil vi kome kvarandre nær, og det

som samlar oss er Ord og sakrament. Vi kjem ikkje saman for å verte oppbygde av kvarandre si sveitlukt eller for å lyfte oss sjølve til himmels. Kyrkjebygget er eit kunstverk i seg sjølv og vert også ramme om eit stort kunstverk. Glasmosaikkrua i fronten vil stilt og sterkt tale om det viktigaste i trua vår.

Det ville vere fint om vi kunne drive arbeidskyrkja etter modell av sjømannskyrkjene rundt om i verda: Låg terskel og høgt under taket. Men det er ikkje avgjerande om kyrkja

alltid skårer 6 på popularitetsterningen og kan sole seg i god omtale. Det viktigaste er at kyrkja reflekterer det lyset som ikkje er av denne verda.

I det som i dag utgjer Vereide sokn, var det i Mellomalderen 4 kyrkjer. Hovudkyrkja på Vereide, kapellet på Vereide, som oppe på sletta, Austrheimskyrkja og kapellet på Eide. I denne rekka er det nyekyrka går inn.

Det er nok 800 år sidan det er bygd noko ny kyrkje her i soknet. Katedralen har vi og skal vi ta vare på, men vi har stor trøng også for andre rom til kyrkjelydsarbeidet. Det er å vone at dei som har funne vegen for lang til Vereide kyrkje, kan finne vegen kort og lett til den nye kyrkja. Men framleis er vi eitt sokn. Arbeidskyrkja er tenkt og dimensjonert som eit supplement til Vereide kyrkje.

Arbeidskyrkja opnar no for nye, store moglegheiter som vi ikkje må gjøre til problem. Vi er i mål. Og vi startar.

8. mai 1997 er ein merkedag og ein dag full av glede.

Mange har sett fram til og arbeidd fram mot denne dagen. Vi kjenner stor takksem. Nokre av dei fekk ikkje sjølve oppleve dagen. Vi minnest dei med vørnad. Kristi Himmelfartsdag vil «Guds kyrkje i himmelen og på jordaprise namnet Hans med samrøysta lovsong.»

Vi takkar og syng:

«Å hvilken lykke å deg tilhøre!
Takk, takk at også jeg fikk vere med!»

O.S.G.



-Velkommen til Arbeidskyrkja, sa prestane i Gloppe, Reidar Finsådal (til venstre) og Olaf Sig. Gundersen, formann i stiftinga, Harald Aske og formann i byggjennemnda, Harald Kjær, Palmesøndag 1990, då kyrkjedelen av Arbeidskyrkja vart teken i bruk for første gong. Det vart halde familiegudsteneste, med svært godt frammøte.

Innbyding til vigslingshøgtida i Arbeidskyrkja

Den 8. mai blir ein stor dag i bygda vår. Det er ei historisk hending når ei kyrkje blir vigsla. Det er difor med glede vi ynskjer alle velkomne til vigslingshøgtida. Vi håpar det blir fullt i Arbeidskyrkja denne dagen.

Mange frivillige har gjort ein stor innsats for å få reist det fine bygget. Vi kunne likt å invitere kvar einskild, men for å ikkje gløyme nokon, ber vi på denne måten.

Velkomne.

**Med helsing
frå styret i stiftinga Arbeidskyrkja**

Vigsling av Arbeidskyrkja i Mona 8. mai

kl. 11.00: Vigslingsgudsteneste ved biskop Ole D. Hagesæter, prost Rolf Schanke Eikum, Olaf S. Gundersen, Asbjørn Gjengedal og tidlegare tilsette prestar i Gloppe.

Song av kyrkjekoret. Strykeorkesteret v/Gloppen kom. musikkskule med blåsarar. Offer til Arbeidskyrkja. Sandane Skulekorps spelar ute før gudstenesta tek til.

Etter gudstenesta vert det servert rømmegraut, kaffi og kake.

Ca. kl. 13.30: Festmøte. Helsingar.

Strykeorkesteret, Song/musikk av Magni Vereide Kroken og Jacob Leiv Kroken.



Frå venstre biskop Thore With, sokneprest Olaf S. Gundersen, res. kap. Per Inge Eide og Prost Oddvar Grøvlen.




Krossen blir reist og arbeidet tek til


Over: I oktober 1984 vart krossen
reist på tomtaen til Arbeidskyrkja.

Til høgre: Sokneprest Olaf Sig.
Gundersen tok det første spadetaket.

Bileta under: Så tok borna sine
spadetak - og deretter kom Knut
Jarle Rundereim med den store
gravemaskinen.



Kranselag på Arbeidskyrkja 27. mai 1988




Til venstre biskop Per Lønning, som var med oss på kranselaget, og inspirerte til vidare innsats. Over underheld born frå Sandane skule med song. Biletet under fortel at det enno stod mykje arbeid att; vi kunne vere med å legge tak på Arbeidskyrkja med å kjøpe takstein.





- Er det festbrus de vil ha? spør sokneprest Olaf Sig. Gundersen borna. Til høgre støttar biskop Per Lønning stigen, så sokneprest Gundersen kjem trygt opp med kranse. Under ser vi at det var mykje folk samla til kranselag.





Rolf Tennebø har utført godt elektrikar-arbeid, her i sving med trillebåra. - Er sementblandinga passeleg? spør Gunnar Stavøstrand.



Dagfinn Aasen og Nelly Krag set i store spekulasjonar.



Kaare Rosvold (til venstre) og Harald Aske (mangeårig formann i stiftinga) i arbeid med grunnmuren.

Dugnadsinnsatsen har vore fantastisk



Oppmåling ved byggjeleiar Samson Skrivarvik (t.v.) form. i byggenemnde Harald Kjær og styremedl. Kjell Otto Solheim. Til høgre siktar Åge Hansen inn grunnmuren. Under er det matpause for dugnadsfolket. Kvinnene organiserte tilbringing av mat. Frå venstre: Hugleik Almenning, Harald Aske og Magne Tennebø.



Grunnsteinsnedlegging for kyrkjebygget

11. februar 1996 var det grunnsteinsnedlegging for kyrkjebygget. På biletet ser vi (frå høgre) biskop Ole D. Hagesæther, vidare nokre av tekstlesarane under høgtida; Harald Kjær, Oddlaug Vereide, Harald Aske, Synnøve Landstad og Lillian Sola Strand.

Under ser vi kyrkjebygget under arbeid.





Frå innspurten - blir vi ferdige?


23. april 1997. Legging av golv-flisar er godt i gang, Hugleik Almenning (til venstre) saman med Ronny Egge og Lars Bergheim.
Biletet under vitjar vi Åse Skrivarvik i verkstaden sin. Ho lagar «altar-sølv» i keramikk.



Speidarane
er flittige
brukarar av
kyrkja.



På biletet under
ser vi Søndags-
skulen utanfor
Arbeidskyrkja.





Eldretreff med stort frammøte.



Gudsteneste i Arbeidskyrkja.

Kyrkjelydsdelen av Arbeidskyrkja har vore og er flittig i bruk



Glade ungdomar
i Joy Sing.


Biletet under
viser borna
i Sandane
Barnegospel.

10-12-treffet har
30-40 deltagarar
og mange leiар.



Familiekoret, små
og store, omlag 70
er med.





Arbeidskyrkja

står på fast grunn og har solide hjørnestolpar

Dette seier entreprenør Roald Veien (46) som saman med sine 9 menn, har hatt hovudansvaret for andre byggsteget for Arbeidskyrkja i Mona.

Vi vil gjerne vite litt meir om denne byggleiaren, og spør om han har vakse opp her i Breim.

– Ja, delvis, eg var 10 år då vi flytte hit. Tidlegare hadde vi budd i Askvoll, Raudeberg og Nauddal. Foreldra er Aslaug og Ragnar Veien. Far var handelssystrar på Breim Samvirkelag i mange år.

– Eg slo rot her med ein gong, seier Roald.

– Og så fann du deg kone her i bygda og?

– Det stemmer (Greta Sårheim Veien).

– Frå det eine til det andre, har du hatt interesse for bygging frå du var liten og dreiv og leika med byggeklossar?

– Nei, det var vel meir tilfeldig at eg slo inn på dette. Etter realskulen sokte eg og fekk plass på svakstraumlinna på Yrkesskulen i Forde. I mellomtida (sommaren), var eg med og bygde huset til foreldra mine her i Breim. Det var så interessant at eg angra på at eg ikkje valde tømrarlinja. Der var sjølv sagt fullteikna og.

Etter 14 dagar var det ein elev som vart sjuk der, og måtte slutte. Så fekk eg flytte over på hans plass.

– Var dette tilfeldig, eller?

– Mi første lærerid i byggefaget i praktisk arbeid, var saman med Ola D. Sårheim. Det var ei spesiell og god lærerid, som eg er mykje takksam for.

Bygge kyrkje

– Har du vore fram i det før?

– Nei, det er første gongen.

– Korleis opplever du og karane dine det då?

– Ein får ikkje nett kjensle av kyrkje når sagflisa fyk om øyra, motordur og hammarslag høyrest lang lei. Men dette bygget har vore spesielt interessant og lærerikt for oss alle.

Det er samansett av så mange bitar, som skal falle saman til ein heilskap. På frontveggen er korset innfelt i glas som skal kaste lys innover i kyrkjesalen. Og utover mot veien når det er mørkt og lyset er på.

Helge Hjertholm heiter arkitekten som har teikna mange kyrkjer.

Og min bit i dette arbeidet er å rekne ut pris o.s.v. Papirhaugen veks og veks ... snart over hovudet på meg. Då er det fint å få ta turen til kyrkjebygget og inspirere eit par gongar for veka. Må få pressisere at eg har flinke, pliktoppfyllande medarbeidarar. Og eg trur dei og har sett pris på og vere med på dette oppdraget.

– Når starta du med eiga firma?

– For 20 år sidan no i desse tider.

– Ja, då bær du alderen godt!

Avkobling

– Kva koblar du av med etter slikt ansvarsfullt arbeid?

– Det vert stort sett i lag med familien, vere i lag med borna, og køyre dei til positive aktivitetar som dei har interesse og anlegg for. Vi pressar dei aldri i noko lei. Og det som vi som foreldre er opptekne av, er og at dei må lære seg, å vise ansvar og omgang både for menneske og dyr.

Eldste jenta vår er spesielt glad i dyr, hestar og riding.

– Når det gjeld dette med kyrkje, som har stege i fokus no, synest du terskelen er for høg til Breimskyrkja t.d.?

– Nei, ikkje no, seier Roald tenk-samt. Vi har dei 4 borna vore som alle er døypte der. Og vi har lova og fylgje opp som foreldre. Men synest det av og til kan vere litt stift og høgtidleg, med liturgi og orgelmusikk. Trompetmusikk kunne det gjerne ha vore meir av. Men familiegudstenestene er fine.

Til slutt fekk vi vere med Roald til Arbeidskyrkja og sjå og ta biletet. Det var ei stor oppleveling. Og det vonar og bed vi om at det og må verte for framtidta. For menneske som er på leiting etter livsinnhald i ei oppjaga og vanskeleg tid. Var det ikkje den største av alle byggmeistrar som sa:

«Kom til meg, alle de som slit og har tungt å bere, eg vil gje dykk kvile!»

Jorunn



Loppemarknad og auksjon har i mange år skaffa fleire hundre tusen kroner til bygging av kyrkja.

Til venstre ser vi «auksjonarius» Olaf Sig. Gundersen, Hugleik Almenning og Anders Hole.



Intervju om Arbeidskyrkja



Arne Høyland

1. – Personleg har eg forventningar om at det skal bli ei god kyrkje for barnefamiliar å gå i, til dømes ved at gudsteneste og søndagsskule vert samkjørt. Dette ligg det godt til rette for i desse lokala.
2. – Ja, det er kjekt å ha ei kyrkje vi kan gå søndags-tur til.

1. – Eg har store forventningar. Huset er godt ten-



Gudny Eriksmoen

**Spørsmål 1:
Kva forventningar har du til den nye arbeidskyrkja i Mona?**

**Spørsmål 2:
Kjem du til å bruke kyrkja?**

leg til allsidig bruk. Det har vore spennande å følge med i bygginga. 2. byggetrinnet har flott arkitektur, i kyrkerommet blir sinnet løfta opp mot lyset. Råmene rundt oss er viktige.

2. Ja. Kyrkje ligg i nærmiljøet, og eg gledar meg til opninga.

1. – Det er flott å ha ei kyrkje der ein kan ha ulike aktivitetar. Eg har brukt kyrkja mykje siste åra, t.d. på speidars og ope hus. Til det har huset vore svært praktisk. Håpar ein kan fortsette med dei tidlegare aktivitetane, t.d. luftgevær og bordtennins, sjølv om der no blir kyrkjebygg og.

2. – Ja. Neste år reiser eg bort for å gå på skule, så då blir det mindre.

1. – Store forventningar. Dette blir ei kyrkje som er nær for heile Sandane. Tradisjonell kyrkje har vi ikkje bruk for, vi har Vereidskyrkja, og den er eg svært glad i. Men ar-

beidskyrkja kan meir brukast av mindre forsamlingar, t.d. ulike foreningsaktivitetar, søndagsskule og anna barne- og ungdomsarbeid.

Kyrkja burde gjerne vore meir synleg, plassert i Sandane sentrum. No er



Sylvi Lundgren

fin stad å ha familieguds-tjenester.

Då eg var liten heldt dei på å arbeide for ei kyrkje på Sandane. Dei hadde tomt der barneskulen er no. Mons Aske, Mons Holvik og Steffen Sandene åtte «Kyrkjeflata», som dei kalla henne. Ungdomsskuletomten, ått av Peder Sandene, var og eit alternativ.

Dei hadde basar i Vonheim, og Ågot Straume, Einar Henden og Olav K. Henden var primus motorar. Dei fekk



Kåre Holvik

ho på ein litt for anonym stad.

2. – Ja, vi kjem til å bruke kyrkja mykje. Ho kjem til å vere viktig for oss. Vi synest det er viktig at borna blir vane med å gå der, at dei kjenner det naturleg å vere i kyrkja. Det blir ein

inn omlag 40.000 kroner (noverdi), og dette vart brukt no til arbeidskyrkja. Nokre meinte i si tid at pengane skulle vore brukte til kyrkjegardskapell på Fredly i Bukta.

Desse har fylgt konfirmantførebuinga skuleåret 1996/97

Hyen:

Silje Eimhjellen
Øyvind Eimhjellen
Jofrid Marie Hjorteset
Frode Larsen
Even Rønneklev
Astrid Iren Solheim
Mads Roger Solheim
Elisabeth Aa
Stig Rune Aa

Gimmestad:

Asle Arnestad
Stig André Drage
Anne Olaug Gimmestad
Lars Henrik Gimmestad
Steffen Gimmestad
Erlend Søreide Klepaker
Ivar Mardal
Kristian Mardal
Hilde Martiniussen
Geir Arne Nilssen
Andreas Ravnestad
Heidi Lise Ravnestad
Jonny Ravnestad
Hans Jørgen Sande
Torill Marita Sundt

Vereide:

Ann-Karin Aasemyr
Jan Reidar Andenes
Åse Kristin Andersbakken
Kurt Jonny Aske
Harald Austrheim
Espen Bolseth
Odd Erik Bjørlo
Hilde Eide
Knut André Eide

Mathilde Eide
Anne-Mari Eikenæs
Ivar Sognes Eimhjellen
Lasse Engebretsen
Torill Fjellestad
Robert Reed Flatjord
Ole Morten Fuglestrand
Linda Føleide
Ingrid Gimmetad
Ingunn Gimmetad
Erlend Aasen Gloppestad
Joar Spencer Gloppestad
Kristine Heien Hansen
Ingrid Wergeland Hansen
Benedikte Hatledal
Marita Haveland
Nina Heggheim
Kjetil Helge Hovstad
Geir Håvik
Henning André Kaarstad
Thomas Skeistrand Tjøberg
Silje Kjørvik
Hilmar Nils Kvame
Veronica Kvandal
Turid Håheim Madsen
Per Arne Skrivervik Mc Call
Ingelin Nyhammer
Synne Marie Oppheim
Nina Rise
Hanna Kristine Vedvik Sæle
Kjersti Skaaden
Tor-Einar Holvik Skinlo
Adele Skjerdal
Torgeir Stige
Halgeir Tennebø
Arild Fjellestad Tystad

Breim:

Iren Bergheim
Sissel Therese Bjørnarheim

Baard Helle Bolstad
Jon Erling Clementsen
Johnny Stian Fløtre
Mariann Førde
Nils Einar Sæthre Geitrheim
Kariann Bøyum Halland
Trond Andreas Hjellbakk
Jens Hjorteset
Frank Robert Kleppe
Silje Kleppe
Stian Jarle Kollbotn
Janne Helen Myklebust
Raymond Niiranen
Susanne Håheim Rotås
Tina Løkke Vie

Åshild Roset sluttar i redaksjonen

I 12 år har Åshild lagt ned mykje arbeid for Kyrkjebladet.

Ho har vist stor interesse for arbeidet, vore pliktoppfyllande og humørspreiande. Vi kjem til å sakne henne i redaksjonen.

Når ho no har valt å slutte, av di ho har fått nye verv som krev mykje av tida hennar, må vi respektere det. Vi takkar for fellesskap og samarbeid og ynskjer lukke til med nye oppgåver.

Helsing redaksjonen

Ein triveleg «gløppar»

Samtale med prost og sokneprest i Sogndal, Kolbjørn Aske.

Sommarmåldag - 14. april, kaldt og kvit mark her. Snøstorm over fjellovergangane, med bilar som køyerde seg fast i brøytetekantar, og sperra vegen for rutebussen som vart fleire timer forsinka

Omsider kom vi då til Sogndal, som var målet for turen. I sentrum og omegn var det grønt og fint med krokus og andre vårblomar som tøygde seg optimistisk og blåygde opp mot ein delvis klår himmel med eit og anna solglint.

Det bles kaldt her og, så det gjorde godt å koma inn i den varme stova, i den gamle, unelege prestegarden.

Om vi på førehand hadde vore litt spent på dette oppdraget for Kyrkjebladet, så viste det seg å vere «ingen grunn til panikk». Aske hadde ei smittande utstråling av ro og fred.

Han skjenka i varm kaffi, og praten kom lett i gang.

Røtene

- Vi kjenner godt mor di, Karolina Aske (95). - Og far min heitte Mons, og var vegvaktar. Han er borte no for fleire år sidan. Det var godt å få vekse opp på Sandane. Var med i det kristne skulelaget Concordia. Vidare vart det 1 år på Ljosborg Folkehøgskule, Vereide. Fekk mot og take standpunkt for Jesus Kristus i unge år. Det er eg takksam for.

- Fekk du tidleg kall til presteteneste?

- Eg tok til på teologisk studie med tanke på at det og kunne bru-



Prost og sokneprest i Sogndal, Kolbjørn Aske - ein triveleg «gløppar».

kast i lærar-samanheng. Men så modnast det gradvis fram kall til presteteneste. Og for 30 år sidan vart eg ordinert til prest ilag med Asbjørn Gjengedal.

- Mi første teneste var som feltprest i Nord-Norge. Ei fin og lærerik tid. Og positivt, for då møtte eg eit tverrsnitt av norsk ungdom, med ulike syn og meininger. Det var på same tid og plass for dei små tabbane, utan dei store konsekvensane, ei grei læretid!

Vidare vart det å vere kalls-kapelлан i Måløy. I Ullensvang i Hard-

anger var vi i 11 år. Tida har fare fort. No er det 13. året i Sogndal. Kona mi er lærar på Hafslø v.g. skule. Ho er og Nordfjordjente og kjem frå Utvik. Helga Berit Eldevik, heiter ho. Dei to borna våre er vaksne, og «fokne or reiret». Jenta vår går på bibelskule i Grimstad, og sonen studerer i Oslo.

Vi trivst godt her i Sogndal, og det er dessutan kort veg til Utvik og Sandane der vi kan vitje mor, og dei andre slektingane våre.

- Men over til yrket ditt igjen. Har du konfirmantundervisning og?

- Ikkje så mykje no som tidlegare. Dei yngre prestane har teke meir over der. Men eg minnest frå ein konfirmanttime vi samtala om truvedkjenninga og vi skulle ta fram forsakinga av djevelen og alle hans gjerningar. Då var det ein kar som rette opp handa og sa: «Dette kan ikkje vi tru på i vår moderne tid.» Men det vondte møter oss til dagleg, og svært så synleg gjennom TV. Difor treng vi meir enn nokon gong og ta Jesus sine ord på alvor. Han som seier: Eg er vegen, sanninga og livet. Ingen kjem til Faderen utan gjennom meg. (Joh. 14.-6.) Det er alvorleg med likesæla om kva Guds ord seier, og skremande når 3 av 4 6.- og 8.-klassingar i landet vårt ikkje kan giere greie for kva det er som er det sentrale i den kristne trua. (Etter ei undersøking som avisar Vårt Land føretok nyleg).

Viktig

- Men kva kan vi som truande kristne gjøre?

- Eg trur det er viktig ikkje berre

og isolere seg innanfor kristne miljø, sjølv om vi heller ikke må forsøke samfunnet med kvarandre. Men å gå ut og vere gode, hjelpsame naboar og arbeidskamerater, vere eit vitne for Jesus, der vi er plasserte i verda.

– I dei seinare år har det vorte meir samarbeid mellom ulike kyrkjefamfunn og kristne organisasjonar. Det er viktig at vi kan samarbeide og vere glade i kvarandre, sjølv om vi har ulike meininger. Eit par gongar i året brukar vi her i Sogn og ha fellesarrangement. Men i det daglege liv er det kanskje fint at ein arbeider kvar for seg.

Lise og Ludvig Karlsen var her på kyrkjedagar for indre Sogn. Det var det arrangementet som har fått størst oppslutning. For då kom dei frå alle leifarar. Dei når ei gruppe som andre kristne arbeidslag ikkje maktar å nå på same måten med deira bakgrunn og no med deira brennande iver etter å nå andre med den glade bodskapen, evangeliet om Jesus Kristus!

Den Norske Kyrkja, trur eg, kan nå mange. Og kona mi brukar og seie: Tenk om alle som trur på Gud, letta som «ein fugleflokk» og kom til kyrklei klokken kallar! Når det er mange som er ilag på Gudsteneste og som er med i bønene og salmesongen, vil det og vere til inspirasjon for presten. Og menneske som står litt fjernt frå kristendom ville ta til å undre seg - kome og sjå og høyre. Ingen ting kunne glede oss prestar meir enn det! I vår tid har vi ikkje hatt dei store vekkingane. Men det kjem meir, ein for ein. Og det er ei stor glede for prest og kyrkjelyd når dei og vågar seg fram til nattverdbordet.

– Av og til tek eg gitaren med på

preikestolen, fortel Kolbjørn, for å «mjuke opp». Likar å spele litt og synge og. Er med i Indremisjonsskoret opp i dalen. Det heiter «Dalklang».

Stort å få vere til hjelp!

– Men er det ikkje mykje trist og sørgeleg som de prestane må ta del i? Sørgjebod, gravferd o.a.

– Jau, det er sant og visst, men då er det og så stort og godt å få vere til trøyst og hjelp for dei som har det tungt. Og få vise til Han som seier: «Kom til meg alle de som slit og har tungt å bera, er vil gje dykk kvile» (Matt. 11-28). Jesus held det han lover når vi vender oss til han. Både til den som er ramma av sorg og tunge slag i livet. Også styrke til å vere med på berelaget. Det han ikkje helper oss utanom, hjelpar han oss igjennom!

– Men frå det eine til det andre. Kva meiner du om Arbeidskyrkja på Sandane som er i fokus no?

– Ser veldig positivt på den! Arbeidskyrkje er «tingen» i vår tid. Terskelen er kanskje lava-re der. Få folk til kyrklei i alle aldrar, å få dei til å trivast der. Vi har planar om ei slik her i Sogn og.

Frå først av var arbeidskyrkja for Gloppen planlagd å vere

på tomta foreldra mine åtte, der som ungdomsskulen står no. 8. mai på innviinga kjem vi tilbake, mange gamle sandensarar.

Tida har fare så fort. Det tek til å kveldast. I det vi tek farvel, spør vi kva resten av dagen skal brukast til (måndag er fridag). – No skal eg ut å beskjære frukt-trea, i den gamle, ærverdige prestegardshagen.


Det får oss til å tenkje på likninga i Joh. 15-1. Der Jesus seier: «Eg er det sanne vin-treet og Far min er vingardsmannen. Kvar grein som ikkje ber frukt, tek han bort, og kva grein som ber frukt, reinskjar han, så ho skal bera meir frukt! De er alt reine på grunn av ordet eg har tala til dykk. Ver i meg så er eg i dykk. Som greina ikkje kan bere frukt av seg sjølv, men berre når ho er på vintreet. Skilde frå meg, kan de ingen ting gjera.

Jorunn



Kolbjørn Aske tok vel imot oss i den varme stova, i den gamle, unelege prestegarden.

13.7. Mark. 8, 1-9	kl. 11 BREIM	Høgmesse. Asbjørn Gjengedal. Nattverd. Offer: Prostirådet.
13.7.	kl. 20 Gamle Gimmest.	Kveldsgudsteneste. Asbjørn Gjengedal.
20.7. Matt. 7, 15-20	kl. 11 GIMMESTAD	Høgmesse. Asbjørn Gjengedal. Nattverd. Offer: N.L.M.
	kl. 15 Austrheims- støylen	Støyldsmesse. Asbjørn Gjengedal.
27.7. Salme 8, 4-10	kl. 11 BREIM	Innsetjingsgudsteneste for kapellan Harald Forland. Prost Rolf Schanke Eikum og Olaf Sig. Gundersen. Kyrkjekaffi. Offer: Kyrkjelydsarbeidet.
	kl. 20 MONA	Kveldsgudsteneste. Olaf Sig. Gundersen. Nattverd.
29.7. Olsok Luk. 22, 24-27	kl. 20 VEREIDE	Gudsteneste. Kapellan Harald Forland. Kyrkjekaffi.



Døypte

BREIM

- 01.01. Ole Alexander Hole
(Rettig av namn)
16.03. Kjetil Merkesdal Nedreberg
Fadrap: Evi Merkesdal Flølo,
Arve Bjørn Flølo, Stig Henning
Merkesdal, Ingvill Nedreberg,
Anne Karin Nedreberg.
30.03. Gunnhild Bogstad
Fadrap: Kari Rygg Leirgul, Morten
Leirgul, Anne Turid Homme, Anne
Rygg Lindseth, Jon Arne Lindseth.
30.03. Bendik Henriksen
Fadrap: Charlotte Papillon, Tonny
Papillon, Olav Reed.
13.04. Kristine Djupegot Raad
Fadrap: Kristi Raad, Erling Fløtre,
Margit Sundal, Ole Jonny
Djupegot, Siv Djupegot.

GIMMESTAD

- 23.03. Lin Yvonne Brandsøy Austrheim
Fadrap: Alf Einar Henden, Liv
Tystad, Solveig Gimmestad, Sjur
Age Gimmestad, Yngve Brandsøy,
Hege Chatrin Austrheim.
23.03. Sirianne Arnestad Hellerud
Fadrap: Liv Hellerud, Bjørar
Hellerud, Kristen Henning
Arnestad, Reidun Seim.
23.03. Sindre Skeistrand Arnestad

Fadrap: Inge Bent Arnestad,
Randi Mykland Arnestad, Frode
Martin Skeistrand, Elin
Skeistrand.

- 20.04. Ingrid Hjelle Roset
Fadrap: Ashild Roset, Jan Roset,
Signy Hjelle, Per Hjelle.

HYEN

- 13.04. Brita Sande Holme
Fadrap: Kristin Opseth Rygg,
Sofrid Utheim Rygg, Reidun
Rygg, Anders Høyvik, Bjørn Rygg.

VEREIDE

- 20.04. Tea Madelen Hestenes Knudsen
Fadrap: Anny Hestenes, Bente
Hestenes, Sølv Aamot, Raymund
Knudsen.
20.04. Helene Holmøy Holvik
Fadrap: Frode Holvik, Liv Ingunn
Holvik, Pernille Holmøy, Odd Arne
Holmøy

Jordfeste

- BREIM**
05.03.97 Ragna Støve f. 1904
13.03.97 Alf Bø f. 1925
03.04.97 Lars Seime f. 1918
04.04.97 Brita K. Sæthre f. 1901
07.07.97 Olina Skarstein f. 1904
08.04.97 Rasmus Bjørkelo f. 1916

VEREIDE

- 16.02.97 Anna Johanne Vereide f. 1919
18.02.97 Kristoffer Aske f. 1993
26.02.97 Alma Eide f. 1922
28.02.97 Henning Ladehaug f. 1955
04.03.97 Astrid Fløtre f. 1903

04.03.97 Reidar Fagerlund f. 1921
08.03.97 Pernille Kleppenes f. 1902
04.04.97 Astrid Magnhild Austrheim f. 1918

HYEN

- 23.02.97 Målfrid Kari Kristina
Ommeland f. 1923
18.03.97 Synnøve Mjellem f. 1903
21.03.97 Martha Sofia Hope f. 1911
29.03.97 Kristen Kolbjørn Hope f. 1913

GLOPPEN
GRAVFERDSBYÅ
Kyrkjelydane sitt byrå

Kontor i Hendenbygget, 2. etasje,
tlf. 57 86 57 70. Mobiltlf. 94 68 19 40
Inngang frå «Meierisida».

Johannes Nedrebø, tlf. 57 86 93 86.
Oddlaug Vereide, tlf. 57 86 54 48.

I høve vigslunga av Arbeids-
kyrkja er Kyrkjebladet for første
gong trykt i 4-fargar.

Temagudsteneste i Ivahola

Temagudstenesta i Ivahola 13. april samla mykje folk. Konfirmantane i Vereide og Gimmestad deltok, Olav S. Gundersen forretta og Rune Nordvik stod for tonefølgje.

Temaet var miljø, og sokkjelyset vart sett på forbrukarsamfunnet og ansvaret vårt for den 3. verda. Bossplassen høvde godt som råme.



KYRKJEBLAD FOR GLOPPEN PRESTEGJELD

Utgjeve av sokneråda i Vereide, Breim, Gimmestad og Hyen.
Kjem ut 10 gonger i året på Sandane. Betaling etter ønskje.

Redaksjonen: Marit Rygg, Jorunn Eide, Oddlaug Vereide, Rannveig Ommedal, Kåre Holvik, sokneprest Olaf Sigurd Gundersen.
Kyrjebladssekretær: Oddlaug Vereide. **Layout:** Anders Rinde.

Kasserar:
Johs. Klungrehaug, 6860 Sandane - Postgiro 0804 3416872.

GLOPPEN PRESTEGJELD

VEREIDE SOKN

Klokkar: Oddlaug Vereide,
tlf. 57 86 54 48.
Formann i soknerådet:
Ingrid Odland Eikenæs,
tlf. 57 86 65 04.
Organist: Anders Rinde,
tlf. 57 86 93 01.
Vereide kyrkje, tlf. 57 86 93 06.
Kyrkjetenar: Ingrid Lotsberg,
tlf. 57 86 93 96.
Gravar: Ivar Hjelle, tlf. 57 86 58 59.

BREIM SOKN

Klokkar: Aksel Rygg, tlf. 57 86 75 62.
Formann i soknerådet:
Berit Laila Høylo, tlf. 57 86 71 94.
Kyrkjetenar: Anders Bjørnereim,
tlf. 57 86 74 22.
Organist: Anders Rinde,
tlf. 57 86 93 01.
Gravar: Ivar Hjelle, tlf. 57 86 58 59.

GIMMESTAD SOKN

Klokkar: Arne Jostein Gimmestad
tlf. 57 86 78 73.
Organist: Per Mardal, tlf. 57 86 58 89.
Formann i soknerådet: Marie Sælens-
minde Rygg, tlf. 57 86 77 15.
Kyrkjetenar og gravar:
Kjell Mardal, tlf. 57 86 57 12.

HYEN SOKN

Klokkar: Martin Ø. Ommedal,
tlf. 57 86 90 37.
Organist: Sivert Aa, tlf. 57 86 98 56.
Kyrkjetenar: Jakob Holmestrand,
tlf. 57 86 98 48.
Formann i soknerådet:
Liv Øygard Solheim, tlf. 57 86 96 59.

Vikarprest Asbjørn Gjengedal,
Tlf. 57 68 66 78, mobil tlf. 945 51 522

KYRKJEVERJE

Oddbjørn Almenning
Kontortid i Hendenbygget
kl. 08.00–15.00.
Tlf. kontor: 57 86 56 16.

GLOPPEN GRAVFERDSBYRÅ
Tlf. 57 86 57 70.
Mobiltelefon 94 68 19 40.

Vi møtest i kyrkja

«Lat oss ikke halde oss borte når kyrkjelyden vår samlast, som somme plar gjera, men lat oss setja mot i kvarandre.» (Hebr. 10)

11.5.	Joh. 15, 26-16.4.	kl. 11 BREIM kl. 11 HYEN kl. 20 VEREIDE	Konfirmasjon. Asbjørn Gjengedal. Offer: Kyrkjelydsarbeidet. Konfirmasjon. Olaf Sig. Gundersen. Offer: Kyrkjelydsarbeidet. Musikkandakt. Johs. Haarklou 100 år. Kristen Øgaard, orgel. Asbjørn Gjengedal, andakt.
13.5.		kl. 20 Arbeidskyrkja	Konsert. Hans Inge Fagervik.
14.5.		kl. 20 HYEN	Gudsteneste med nattverd. Konfirmantane spesielt innbedne.
17.5.	Luk. 1, 50-53	kl. 10.15 HYEN kl. 11 BREIM kl. 12 VEREIDE kl. 15 GAMLE	Festgudsteneste. Asbjørn Gjengedal. Festgudsteneste. Olaf Sig. Gundersen. Offer. Breim Sanitetslag. Festgudsteneste. Asbjørn Gjengedal. Offer: Sandane KFUM og KFUK-speidarane. Austrheim Mannskor
18.5.	1. pinsedag Joh. 14, 23-29	kl. 10 VEREIDE kl. 12.30 » kl. 11 BREIM	Festgudsteneste. Olaf Sig. Gundersen. Konfirmasjon. Olaf Sig. Gundersen. Offer: Kyrkjelydsarbeidet. Konfirmasjon.
19.5.	2. pinsedag Joh. 3, 16-21	kl. 11 GIMMESTAD kl. 11 HYEN	Høgtidsgudsteneste. Asbjørn Gjengedal. Offer: Menighetsfakultetet. Konfirmasjon. Olaf Sig. Gundersen. Offer: Kyrkjelydsarbeidet. Høgtidsgudsteneste. Asbjørn Gjengedal. Offer: Den Norske Sjømannsmisjon.
23.5.		kl. 20 MONA	Konsert v/ Distriktsmusikarane.
24.5.		kl. 15 VEREIDE	Musikkandakt. Farnes Kyrkjes Motettkor. Sokneprest Harald Forland.
25.5.		DRAGSEIDET	1000-ÅRS JUBILEUM.
1.6.	2. s.e. pinse Luk. 16, 19-31	kl. 11 MONA	Høgmesse. Nattverd. Olaf Sig. Gundersen. Eldre i prestegjeldet er spesielt innbedne.
8.6.	3. s.e. pinse Joh. Opb. 19, 5-9	kl. 20 VEREIDE kl. 11 VEREIDE	Konsert. Hallgeir Schiager, orgel. Vereide kyrkjekor. Høgmesse. Asbjørn Gjengedal. Nattverd.
13.6.		kl. 11 BREIM kl. 16 Gloppe Sj.heim	Høgmesse. Olaf Sig. Gundersen. Nattverd.
15.6.	Luk. 15, 1-10	kl. 20 VEREIDE kl. 11 GIMMESTAD kl. 11 HYEN	Nattverdsgudsteneste. Asbjørn Gjengedal. Konsert. Distriktsmusikarane og Anders Rinde. Høgmesse. Asbjørn Gjengedal. Nattverd. Offer: Prostirådet. Høgmesse. Olaf Sig. Gundersen. Nattverd.
20.6.		kl. 20 BREIM	Konsert. «Dei bergtekne».
22.6.	Matt. 20, 1-5	kl. 20 GIMMESTAD kl. 11 VEREIDE kl. 11 BREIM	Romantisk midtsommarkonsert. Per Mardal og Asbjørn Gjengedal. Høgmesse. Olaf Sig. Gundersen. Offer: Indre og Ytre Sjømannsmisjon. Høgmesse. Asbjørn Gjengedal. Offer: KFUK - KFUM.
23.6.	Joh. 10, 40-42	kl. 20 Gamle Gimmest.	Gudsteneste. Asbjørn Gjengedal.
29.6.	Joh. 1, 35-51	kl. 11 HYEN	Høgmesse. Offer: Kristen Idrettskontakt.
6.7.	Matt. 5, 20-26	kl. 11 VEREIDE	Høgmesse. Asbjørn Gjengedal. Nattverd. Offer: Norges Kr. Student- og Skuleungdomslag. kl. 15 Støyldsmesse Støyldsmesse i Hyen sokn. Asbjørn Gjengedal.